

Sr. Virgilio Kock ta senala probabel ESCANDALO CU TERENO

ORANJESTAD(AAN)—Segun Sr. Virgilio Kock na nomber di PPA, un otro asunto cu ta preocupa pueblo di Aruba ta si nos ta bon prepara pa Status Aparte. Tin hopi miedo y tin hopi duda cu masha poco ta cla prome cu dia prome di januari 1986, el a laga sa.

"Loque mayoria di hende ta pensa fout ta, cu si bo haya Status Aparte, podiser hunca lo bo haya independencia. E idea aki ta incorrecto. Loque a dicidi na Ronde Ta-

fel Conferentie ta cu nos ta bay haya nos independencia for di Hulanda na 1996 anto prome cu esey pa prepara nos mes, pa e independencia lo tin fase transitorio cu ta yama Status Aparte. E momento cu drenta Status Aparte ya de den direccion oficial di independencia. E pueblo nunca a wordo consulta si e kier un independencia di Hulanda. Nunca tabata tin referendum ariba esaki" segun Sr. Kock.

E preparacionnan pa Independencia of Status

Aparte ta bay ariba diferente topico y un di nan lo ta e preparacion pa nos edificionan ta cla, planea cu ora Status Aparte bini, y tur e 1200 ambtenaarnan bini for di Land y combina e departamento hunto, mester di facilidad pa nan oficina-

Sr. Kock a sigui bisa cu den esaki e tin di menciona cu gobiernu den delaster añanan no a trata e asunto aki corecto of comercialmente.

Ehemplo cu el a duna ta

compra di un edificio den Wilhelminastraat pariba di Volkscredietbank conoci pa nomber di Mario S. Arends. Ya ta bayendo 4 aña caba cu e edificio aki ta para bashi por nada y ta solamente ratonnan ta biba den e edificio aki. E edificio aki a costa pueblo alrededor di 1.5 millon pero pa renoba esaki y pa dreche cu e por wordo usa lo costa pagadornan di belasting 3 millon mas.

Tambe el a muestra cu recientemente gobiernu

a caba di kita for di plan e terenonan na Sero Blanco cu tabata destina pa oficinanan di gobiernu y cu awor ta bay usa e terenonan pa agricultura.

El a splica cu un diputado a caba di baha cu 10 mil meter cuadra di e terreno aki pa agricultura y cu e ta compronde cu pa motibo cu diputadonan no ta bini back ta peseynan a haya terenonan di cada un 10 mil meter cuadra. "Esaki probablemente lo ta otro escandalo," el a bisa.

Virgilio Kock:

VARIOS CONTRATISTA TA STOP DI TRAHA PRONTO

ORANJESTAD(AAN)—Segun Sr. Virgilio Kock, na e momento aki den mundo di construccion ta ripara cu e total di mercado di trahador di construccion ta solamente 25 por ciento actualmente.

Esaki ta bin parcialmente door cu e contratistanan di Lago a layoff nan hendenan, pero tambe den mundo di construccion pafo di Lago e desempleo ta creciendo.

"Mi ta pronostica cu lo tin basta contratista cu ta bay stop di traha muy pronto y mas lay off lo cay. E desaster di e rand di abismo ta yegando." Sr. Virgilio Kock a laga sa.

Un otro caso cu el a referi ariba ta cu gobiernu a compra un otro edificio pariba di misa di Playa, esta e edificio di Maria Convent di dos piso. "Awor caba a pone

algun departamento, pero di dia cu a compra e edificio aki e segundo piso ta bashi y loque mi a compronde, ta cu e dak ta casi basha abao door di comehei. Otro placa gasta cu por a wordo destina mas eficiente," el a bisa.

Encuanto di hotelnan di Aruven el a laga sa cu tin dos hotel grandi pa drecha unda hopi hende por haya trabao. Pa motibo te awor cu no tin splicacion normal, ta tarda pa cuminsa cu construccion. Anto si e bay door, ta contratistanan di afo lo bin haci e trabao, el a laga sa.

"Nos contratistanan local, manera Bouwmij, Bohama, Arends Construction, Camara ta haya un bofta den nan cara el a splica y a agrega: "Pesey mi a pronostica cu algun contratista local ta bay stop di traha. Nan a tra-

ha cu alma y culpa y a inverti nan florinnan na Aruba y gobiernu ta laga otro contratista bini di afo y nos no sa ki direccion e ganashi lo tuma", el a bisa. Segun Sr. Kock por ripara cu nos preparacion pa Status Aparte ta mas suave bisa bruha.

"Tur e haltonan ta bringando pa nan mes. Tin rumores ta core cu tur e ehecutivonan di gobiernu ta loco pa baha, pasobra cada un ya ta millonario caba", el a declara.

RUTANAN DI CARNAVAL

ORANJESTAD(AAN)—E ruta di carnaval di mucha e aña aki lo tin un cambio. Esaki ta cuminsa e aña aki na Wilhelminastadion, baha bin abao den Fergusonstraat, dren-ta Vondellaan, bin abao

den Lloyd G. Smith Boulevard, drenta Adrian Lacle Boulevard, bin den Adriaan Lacle Boulevard, bay ariba atrobe den Wilhelminastraat, cruza bay den Fergusonstraat y ter-Siqui lesa pag. 15

Barata Barata Barata

na

FIESTA TRADING


NOS A CABA DI RICIBI MAS CU 400 ARTICULO NOBO.

e.o.

SUCU,
SALU,
LECHI POLVO,
CUMINDA pa BABY
PAMPERS,
MOTOR OIL,
DESENFECTANTE,
ACE,
MALTA,
JUICE,
CORN BEEF y
TOMATI KEDCHUP.



Den Fergusonstraat net pariba di Prison



Pa Carnaval do Brazil

CU

maduro travel

7 DIA DI ALEGRIA NA SAO PAULO INCLUYENDO

- Pasashi, Traslados, Impuestos y Desayuno tur mainta;
- Estadia na Hotel Horsa EXCELSIOR na Sao Paulo;
- Tour di Ciudad y bishita na SNAKE FARM;
- Cabina reservá pa mira e GRAND DESFILE di CARNAVAL

OCCUPACION	
DOBLE: Fls. 1.256,-	TRIPLE: Fls. 1.199,-

TIN POSIBILIDAD PA PROLONGA BO ESTADIA NA BRAZIL CU 7 DIA MAS Y NA CUATRO OTRO CIUDAD. PA SIGURA BO LUGAR - RESERVA PRONTO NA:

maduro travel

ORANJESTAD : Telefoon 25995
SAN NICOLAS : Telefoon 45239 - 46624

MADURO CURACAO
Telefoon: 76700

